



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-041-2/25**
Datum: **10.02.2025. godine**

«Agencija za vodno područje rijeke Save» Sarajevo rješavajući zahtjev podnesen od strane Službe za katastar, urbanizam i imovinsko-pravne poslove Općine Tešanj za donošenje rješenja o prethodnoj vodnoj saglasnosti za „rekonstrukciju i asfaltiranje lokalnog puta Dobropolje-Mekiš, na zemljištu označenom kao k.č. broj 1424 i 405 K.O. Mekiš, općina Tešanj“, a u postupku pribavljanja urbanističke saglasnosti, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

RJEŠENJE

1. Odbija se zahtjev podnesen od strane Službe za katastar, urbanizam i imovinsko-pravne poslove, Općine Tešanj za donošenje rješenja o prethodnoj vodnoj saglasnosti za „rekonstrukciju i asfaltiranje lokalnog puta Dobropolje-Mekiš, na zemljištu označenom kao k.č. broj 1424 i 405 K.O. Mekiš, općina Tešanj“, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 2. i 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

Od strane Općine Tešanj putem Službe za katastar, urbanizam i imovinsko-pravne poslove podnesen je «Agenciji za vodno područje rijeke Save» Sarajevo zahtjev za donošenje rješenja o prethodnoj vodnoj saglasnosti za rekonstrukciju i asfaltiranje lokalnog puta Dobropolje-Mekiš, na zemljištu označenom kao k.č. broj 1424 i 405 K.O. Mekiš, općina Tešanj, a u postupku pribavljanja urbanističke saglasnosti.

Uz zahtjev je dostavljena slijedeća dokumentacija:

- Zahtjev za izdavanje prethodne vodne saglasnosti podnesen od strane Službe za katastar, urbanizam i imovinsko-pravne poslove Općine Tešanj, broj: 06-19-1-3165/24 dana 10.10.2024. godine (zaprmljen dana 31.01.2025. godine),
- Zaključak o odbacivanju Zahtjeva donesen od strane Ministarstva za poljoprivredu, šumarstvo i vodoprivredu ZDK broj: UP1-05-21-9558-2/24 od 17.01.2024. godine,
- Studija za izdavanje PVS za rekonstrukciju i asfaltiranje lokalnog puta Dobropolje-Mekiš urađena od strane „TALWEG“ d.o.o. Tešanj u digitalnom obliku (CD).

Nakon uvida u dostavljenu identifikaciju i spisak katastarskih parcela utvrđeno je da predmetna aktivnost obuhvata parcele označene kao k.č. broj: 1424 i 405 K.O. Mekiš, općina Tešanj. U skladu sa članom 17. Stav (1) tačka 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), Agencija je nadležna za izdavanje vodnih akata za izgradnju željezničkih pruga, autocesta i magistralnih cesta, što ne obuhvata kategoriju lokalna saobraćajnica ukoliko se ista ne nalazi u vodnom dobru vodotoka I kategorije.

U skladu sa članom 17. stav (2) tačka 7. Pravilnika za izdavanje vodnih akata „za izgradnju regionalnih i lokalnih saobraćajnica, uključujući i šumske puteve“ nadležno je Kantonalno ministarstvo. Utvrđeno je da kao posljedica planirane aktivnosti ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav (1) Zakona o vodama, te za predmetnu aktivnost nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, pa je riješeno kao u dispozitivu rješenja.

Pouka o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- Općina Tešanj, Služba za katastar, urbanizam i imovinsko-pravne poslove,
Trg Alije Izetbegovića 74260, Tešanj
- ⊖ AVP Sava, ISV – Vodna knjiga
- Sektor 40, arhiva
- Oglasna ploča AVP Sava